

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 54. Zakona o izvršavanju budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 185. sjednici, održanoj dana 02.10.2014. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2014. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU Univerzitet u Zenici.

(2) Uvećanje sredstava u Budžetu Zeničko-dobojskog kantona za 2014. godinu, vrši se na slijedeći način:

- a) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 821300 – Nabavka opreme, Plan izdaci iz donacija 2014. godina, uvećavaju se za 58.000,00 KM,
- b) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 821500 – Nabavka stalnih sredstava u obliku prava, Plan izdaci iz donacija 2014. godina, uvećavaju se za 11.000,00 KM,
- c) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 (MDC-902) – Ostale ugovorene usluge, Plan izdaci iz donacija 2014. godina, uvećavaju se za 14.187,60 KM,
- d) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613700 – Izdaci za tekuće održavanje, Plan izdaci iz donacija 2014. godina, uvećavaju se za 29.000,00 KM,
- e) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613100 – Putni troškovi, Plan izdaci iz donacija 2014. godina, uvećavaju se za 6.664,00 KM,
- f) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 733112 – Primljeni tekući transferi od Federacije, uvećavaju se za 118.851,60 KM.

Član 2.

(Namjena korištenja sredstava i izvještavanje)

(1) Uplaćena sredstva od strane Federalnog ministarstva obrazovanja i nauke JU Univerzitet u Zenici će utrošiti za realizaciju projekata: „Internacionalni projekat saradnje i usavršavanja u području tehničkih nauka na Montan-Univerzitetu Leoben u Austriji“, „Internacionalizacija doktorskog studija Pravnog fakulteta Univerziteta u Zenici“, „Uređenje prostora i nabavka prioritetne opreme za naučno istraživački rad na OJ Metalurški institut“, „Uređenje prostora i nabavka prioritetne opreme za naučno istraživački rad na fakultetima Univerziteta u Zenici“ i „Sufinansiranje projekata iz oblasti nauke od značaja za FBiH“ a prema Programu raspodjele i namjeni sredstava Transfera za oblast nauke.

(2) JU Univerzitet u Zenici je dužan sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3.

(Realizacija odluke)

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/14

Datum, 02.10.2014. godine

Z e n i c a

PREMIJER

Munib Husejnagić dipl.ing.maš.

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Ministarstvo finansija,
- 1x „Službene novine Zeničko-dobojskog kantona“,
- 1x a/a.